

## ԶՈՅԱՍԵՂԱՆԻ ԿՐԱԿԸ

### ԲԱՆԱԼԻ ԽՈՍՔ. ԴԱՎՏԱՑՈՑ 6.12, 9.23-24

ՂԱ. 6.12 – 12 **Ձոհասեղանի վրա կրակը միշտ վառած պիտի մնա, չպիտի հանգչի: Ամեն առավոտ քահանան դրա վրա փայտ պիտի վառի, դրա վրա շարի ողջակեզը և դրա վրա այրի խաղաղության զոհերի ծարպը:** 13 **Կրակը միշտ վառած պիտի մնա զոհասեղանի վրա, չպիտի հանգչի:**

ՂԱ. 9.23-24 – 23 Մովսեսն ու Ահարոնը մտան ժողովի վրանը և դուրս գալով՝ օրհնեցին ժողովրդին: Եվ Տիրոջ փառքը երևաց ամբողջ ժողովրդին: 24 Տիրոջ առջևից կրակ դուրս եկավ և **այրեց** զոհասեղանի վրայի ողջակեզն ու ծարպերը, և ամբողջ ժողովուրդը, տեսնելով այդ, աղաղակեց և ընկավ երեսի վրա:

Ղուկաս 12.49 – Ես եկա որ կրակ զցեմ երկրիս վրա. եւ ի՞նչքան եմ կամենում, որ արդէն իսկ բորբոքուած լինի:

**Գ Թագավորաց 18.38 – Եվ Տիրոջ կրակն իջավ դեպի ցած, կլանեց ողջակեզը, փայտերը, քարերը, հողը և փոսի միջի ջուրն էլ լափեց:**

13 **Կրակը միշտ վառած պիտի մնա զոհասեղանի վրա, չպիտի հանգչի:**

Թես. 5.19 – Սուրբ Զոգու կրակը մի՛ մարեք:

Ինչպես զոհասեղանի կրակը պետք է անընդհատ վառ մնար, այնպես էլ աղոթքի և Սուրբ Հոգու կրակը պետք է միշտ վառ մնա մեր սրտերում, մեր տներում և մեր ընտանիքներում:

## I. ԱՂՈԹՔԸ ՊԵՏՔ Է ԱՌԱՋՆԱՅԵՐԹՈՒԹՅՈՒՆ ԼԻՆԻ

Ա Թագավորաց 12.23 – Բայց ես, քավ լիցի, որ **մեղք** գործեմ Տիրոջ դեմ՝ դադարելով ձեզ համար աղոթք անելուց, այլ ես ձեզ կսովորեցնեմ բարի և ուղիղ ճանապարհը:

Սամվել մարգարեն ասես ասում էր. «Ես չեմ դադարի զոհասեղանի կրակի վրա փայտ դնելուց»:

Նա հասկանում էր, որ աղոթքը պետք է շարունակական լինի: Ինչպես զոհասեղանի կրակը չէր կարելի հանգցնել, այնպես էլ Աստծո ժողովրդի համար բարեխոսության կրակը չպետք է մարի:

## II. ՊԵՏՔ Է ԺԱՄԱՆԱԿ ԼԻՆԻ ԱՂՈԹՔԻ ՀԱՄԱՐ

ՂԱ. 6.13 – **Ամեն առավոտ** քահանան դրա վրա փայտ պիտի վառի, դրա վրա շարի ողջակեզը...

Ծննդոց 3.8 – Եվ Տեր Աստծու ձայնը լսեցին, որ ման էր գալիս պարտեզում օրվա **զով ժամին**: 9 Ադամ Ո՞ր ես:

Հոբ 1.5 – Հոբը **առավոտվանից** վեր էր կենում և նրանց բոլորի թվով ողջակեզներ էր մատուցում, որովհետև Հոբն

ասում էր. Գուցե որդիներս մեղանչել են ու Աստծուն իրենց սրտում հայհոյել: Չորն ամեն անգամ այդպես էր անում:

### **Ինչո՞ւ է ժամանակը կարևոր աղոթքի համար:**

Աստվածաշնչի մեծագույն հրաշքներից շատերը տեղի ունեցան աղոթքի ժամերին՝ երրորդ ժամին (առավոտյան 9-ին) կամ իններորդ ժամին (երեկոյան 3-ին):

Դանիել 9.21- և մինչ ես աղոթում էի ...**երեկոյան զոհի ժամանակ** հասավ ինձ:

### **Պենտեկոստեի օրը, երբ Սուրբ Չոգին իջավ**

Գործք Առաքելոց 2.15 – օրվա երրորդ ժամն է...

Գործք Առաքելոց 3.1- Պետրոսն ու Յովհաննեսը բարձրանում էին տաճար՝ իններորդ ժամի աղոթքի համար:

### **Կոռնելիոսի տան փրկությունը**

Գործք Առաքելոց 10.3 – Օրվա իններորդ ժամին մոտ նա տեսիլքի մեջ հայտնապես տեսավ Աստծու հրեշտակին, որը, մտնելով իր մոտ, ասաց. Կոռնելիո՛ս:

Գործք Առաքելոց 10.9 – Չաջորդ օրը, երբ նրանք ծանապարհին էին ու մոտենում էին քաղաքին,

Պետրոսը վեցերորդ ժամին մոտ բարձրացավ տանիք՝  
աղոթելու:

Հաստատված աղոթքի ժամանակը փոխում է ամեն ինչ:

### III. ՊԵՏՔ Է ԸՆՏՐԵՍ ԱՂՈԹՔԻ ՎԱՅՐԸ

Մի տեղ, որտեղ ամեն օր կհանդիպես Աստծուն: Մի տեղ,  
որտեղ կթափես սիրտդ, կլսես Նրա ձայնը և կվառես Սուրբ  
Հոգու կրակը:

Մարկոս 1.35 – Վաղ առավոտյան՝ լույսը դեռ չբացված, վեր  
կացավ, դուրս եկավ, **մի ամառի տեղ գնաց** ու այնտեղ  
աղոթում էր:

Ղուկաս 5.16 – Իսկ նա հեռանում էր **ամառի տեղեր** և  
աղոթում:

Ղուկաս 6.12-13 – Այդ օրերին Հիսուսը **լեռը ելավ**  
**աղոթելու** և ամբողջ գիշերն անցկացրեց Աստծուն  
աղոթելով:

Հովհ. 1.48 – Նաթանայելը աղոթում էր թզենու տակ:

Գործք 10.9 – Պետրոսը բարձրացավ տանիք՝  
աղոթելու:

Գործք 16.13 – Պողոսն ու Շիղան գնացին գետի ափը, որտեղ սովորություն կար աղոթելու:

## IV.ԱՂՈԹԻՐ ԲԱՐՁՐԱՁԱՅՆ

Եբր. 5.7 – Յիսուս, ով իր երկրային օրերին ուժգին **աղաղակով** ու արտասուքով աղոթք ու աղաչանք էր մատուցում Յորրը...

Գործք 4.24, 31 – 24 Նրանք, այս լսելով, միաբանված իրենց **ձայնն առ Աստված բարձրացրին** ու ասացին. *Տէր Աստված, դու, որ ստեղծեցիր երկինքն ու երկիրը, ծովն ու նրա մեջ եղած ամեն բան... 31 Նրանց աղոթելուց հետո շարժվեց այն տեղը, որտեղ հավաքված էին, և բոլորը լցվեցին Սուրբ Յոզով...*

Յուրաքանչյուր երկու ամուսնություններից մեկը ավարտվում է ամուսնալուծությամբ. դա գրեթե 50% է, և ցավոք, դա վերաբերում է նաև եկեղեցուն:

Սակայն ուսումնասիրությունները ցույց են տվել, որ այն զույգերը, որոնք միասին հետևողականորեն աղոթում են, ունեն ամուսնալուծության չափազանց ցածր հավանականություն. հաճախ նշվում է, որ միայն 2000 ամուսնությունից 1-ն է ավարտվում ամուսնալուծությամբ:

*Աղոթքը Աստծուն դնում է ամուսնության կենտրոնում:  
Երբ ամուսինն ու կինը միասին ծնկի են գալիս Աստծո  
առաջ, նրանց սրտերը մոտենում են ոչ միայն  
Աստծուն, այլ նաև միմյանց:*

**ԻՆՉ Է ՍՈՒՐԲ ՀՈԳԻՆ ԱՍՈՒՄ ԻՆՉ ԱՅՍ ՊԱՏԳԱՄԻ  
ՄԻՋՈՑՈՎ:**